

廣東省地方志辦公室輯

廣東歷代方志集成

惠州府部〔七〕

〔乾隆〕歸善縣志

附：〔民國〕惠陽縣志

廣東省地方志辦公室
廣東省出版集團

廣東省地方史志辦公室輯

廣東歷代方志集成

惠州府部〔七〕

嶺南美術出版社

〔乾隆〕歸善縣志

附：〔民國〕惠陽縣志

〔乾隆〕歸善縣志目錄

卷首	
序	一
舊序	七
凡例	一四
纂修姓氏	一六
目錄	一七
輿圖	一八
卷一	
星野	二四
卷二	
沿革	二六
疆域	形勢附
卷三	
山川	二八
陂堤	水利附

〔乾隆〕歸善縣志 目錄

卷四	
古迹	墳墓附
四〇	
卷五	
壇廟	寺觀 庵院 塔附
五四	
卷六	
城池	橋渡 都里 方社 墟市 牌坊
驛遞	養濟院 漏澤園附
六六	
卷七	
公署	館廨 倉廩附
七六	
卷八	
學校	書院附
七八	
卷九	
職官	(武另詳軍政)
九一	
卷十	
選舉	封贈 恩蔭 例選附
一〇〇	

歸善縣志序

嶺東名郡曰潮曰惠一以唐之遜之一以宋之子瞻兩地之人頡頏焉以為光榮惠距會垣三百餘里於潮為近至潮者必先過惠嘉祐合江白鶴遺址皆在歸善

序

憑臨江辭四方名彥俛仰流連恒低徊而不能去余於壬寅分廵惠潮嘉道經鵞城擊汰雙流慨然望東坡故居想見其為人欲索邑志披討其軼事而蠹簡無存不可得而考復為歎

序

息久之夫以坡公之行誼文章洋溢著史傳傳其金鑑並散見他書其不可磨滅固不藉志而傳而遺蹟就湮致懷古者無所考証亦守土者之責也且夫後之賢達如東坡者何限即其

人稍不如東坡而一節之奇尚可與東坡並傳百世而下聞風興起皆當表而出之而况勲業彪炳利澤在人其遺墟舊蹟可聽諸泯滅無問耶章君壽彭余為廣州守時所薦舉也尤欲

聞其善政迺於簿書鞅掌之餘虛衷商榷次第排纂以補其缺逾歲而成將授諸梓而清序於余方誦吉入

觀樂其成而知其志之必佳也遂并數語於簡端即余

序

三

之所有感於坡公者以志喜而肅裝以行乾隆癸卯春王正月廣東提刑按察使司按察使閻陽李天培撰



歸善縣志序

昔家父惠公守惠州樂其山川風物之美構野吏亭為游觀之所又手植荔子樹一株于其側及公在政府猶眷眷于此邦而不能忘而惠人之尸祝公者亦歷數百年如

序

一

一日辛丑冬余奉

命典茲郡尋榛山之舊迹見列岫雙江之濤時為欣賞流連者久之而歸善倚附郡城凡近郡之名區異境皆可攬為首邑之勝蓋其地襟山帶海人物瓌偉信非鄰縣所能及況

鶴峯沙步名賢棲息其間一
草一木皆若藉以生色豈流
風未艾竟鮮抗跡而與者哉
然而久殘獻缺樹立無聞攷
訂之士僅索之陳編蠹簡中
使六七十年之事蹟盡湮沒
而不彰守土者能無愁於

序

二

懷耶且夫歸善之歷上而志
者吾澂諸父惠公曜吏亭一
詩矣其言耕桑烟火則知
民俗之皆淳其言浩渺多荒
則知景物之如繪而漠疆蠻
土疊嶂重城胥可為援引
考證之資夫後之視今猶今

之視昔倘賢令尹不憚勞披
之苦以闡疑激信為己任則
其用心可質之文惠而無慙
矣在古今人不相及也邑令
章君廉而達于從政庶幾
有猷有為乃守簿領之暇
網羅散失取舊志裒輯而

序

三

更新之俾荒徼人女出閨婦
女一節之可稱靡不登諸紀
載而風俗政教之與時移易
者亦于是乎備至若義例之
宜精考據之宜確去取之宜
慎載筆之宜雅是在覽者
自得之有不待于余言矣抑

序

余尤有感者章君治縣有聲口碑所播孚于遠近異日政成報最邑人視此編亦如父惠公所植之樹矜惜愛護之恐後矣豈以文惠為重輕也乎余老矣將引疾歸田甚有愧于文惠甘棠之咏然與

四

章君共事久與惠之人士習而安其亦有繫念于此邦而不能自己者今不彙于左所云也因章君之屬序為書數語以貽之

皆

乾隆癸卯夏五吉旦

賜進士出身知惠州府事錢塘陳

嵩年撰



序

五

歸善縣志序

歸善於惠為附郭於十屬為首邑凡所以仰承政教者必先焉顧郡邑必有志歸善志修於雍正二年而梨棗斷壞獨視為後圖闕焉久矣余於乾隆己亥夏承乏斯邑即有志於纂輯倥傯旁午日不暇給又自媿不文無

序

一

能為役每遇

上憲檄取舊志率以空文具覆未嘗不悚怵焉往者宋公鏡齋來牧羅定語余去浙時刊得江山縣志頗佳蓋仁和解元陸君筱飲筆也余心誌之辛丑冬陸君來粵余遂以壬寅延主講席因與諸紳士謀開局編纂推其醇

謹者以一切經費俾之即延陸

君任載筆事專而功敏寒暑無間閱歲而成遂付剞劂夫著述之要莫切於考信歸善藏書甚尠即有近代作者亦僅有虛名百無一存此搜討之難也舊志非失之陋畧即失之蕪雜板經數易不無增改似非原本此更

序

二

定之難也宜其視為無足重輕度藏不慎拋散朽蠹吏胥既漫不經心長官亦漠不一顧成之甚難廢之甚易又焉足怪且夫聖天子右文稽古萬幾餘暇廣搜博覽凡史冊之流傳方輿之紀載雖萬里而外窮源竟委為萬世徵信而微末下吏叨忝一邑所


職不過簿書鞅掌見聞不出數
百里之內敢畏其勞而闕焉不
講耶然則是書也雖未可遽稱
為完善而後之蒞斯土者覽山
川之形勝察人物之盛衰辨風
俗之醇漓考政事之得失首有
取於是或亦為治者盡心之一
端也

序

三

告

乾隆四十八年春王正月
知歸善縣事古越章壽彭撰



康熙乙卯志序

鍾明進 著溪進士
本府知府

天下之所以大者以其無遠弗屆耳稽其大且遠非輿圖無以悉之夫一寰宇內首京國次都會次郡邑形勢盡此矣禹貢一篇尊王畿而通五服列敘九州雖未備詳星紀而分野可以按推其中山川田土則壤賦貢極之揆文奮武罔不悉書錫圭告成之日勒九鼎而載之是卽志之所由昉乎前代有大統志職方考諸書亦包括天下郡縣建置沿革及山川里道物事而綱綜之然祇存其梗概擇焉不精語焉不詳有之矣卽中邦大地猶有收輯所未逮矧粵徼遐陬僻在嶺表其闕畧自不歸善縣志

舊序

一

待言

今天子御極之十有一年同軌同文一時政化翔洽東漸西被朔南暨矣

輔臣以各省郡志宜輯疏

請繕造進呈奉

旨頒布舉行惠志已稔然具陳矣首屬歸善志業附府錄彙編間亦或有未備緣應

當事督切不敢少遲遑暇遠摭博採遺佚非故爲忽畧也嗣是邑宰今陞主計政江南司三韓連君恕菴有意更新乃廣集典乘酌古準今參攷同異輯校既闕正待

續鏤適稟

王程且行前以弁言相屬惟君翊治五稔相得益章知期志亦麗郡載未可以不敏遜辭爰應之自夏迄冬忽倏半歲日當軍公冗輻輳掌支持未能脫稿茲梓事復告成矣董事者捧以進披覽一過條綜晰縷纖巨靡不畢具視前蓋若霄壤湊有公車北上者索撫以前旋閱帙揭管從事因按歸邑古欣樂也越在南鄙荒服三代以前概淪日南爲交州秦二世任囂尉南海趙陀令龍川乃始入籍地名聞于上國猶然羈縻率畀亦存而不論云爾漢興高文間雖詔諭漸及無非遠示懷柔明王者

歸善縣志

舊序

二

鍾

無外義迨孝武元鼎中伏波樓船底定厥域隨有郡名漢之末葉置交州牧鼎峙立之年吳復得南有之延及西東兩晉太康元興義熙之季又復變革靡常總部是爲廣州而郡唯曰南海東官梁陳更名衆化於時尚無屬邑陳隋接邇以廣避煬帝諱更循州欣樂改邑歸善此邑名之所自始也田隋唐五代迄宋郡稱時復再易仁宗天聖郡更惠州由宋元明迄今歷代七氏歸善之名無有改焉先是治置白鶴峯下地號東平與郡治隔于西江元世祖至元之三十年徙入郡城左掖規模狹隘恒弗宜于今者明神宗萬歷三年乃城東平次及

衙署具備六年乃復遷治往蒞是又邑治之所由來也
分野斗牛女墟與郡同麗惟揚山紀南條中北二境其
迤邐通落環繞映帶視此矣水紀龍江西江豐鯉二湖
洲渚交錯布列景勝界于郡城獨多然邑爲首隸治雖
分而境無異紀邑卽紀郡也都里於縣爲親切然廂鄉
坊社實罔郡治其氣候風俗建置剏改隨時合宜首領
司驛庫廩所在亦有易有不易焉若經政之補肇因華
以成一域大觀兼培形家氣相今昔若有同然惟事紀
一編歷秦至是循年繫事祥祲休咎或兆于天星地利
或徵于人事歲時慶賞刑威致治遏亂無不詳備眉列

歸善縣志

舊序

三

鍾

允爲保定良規觀之者寧能不三致意歟其如紀秩官
以存累朝之位序標選舉以昭歷代之人才賦役以存
經制而加慎于治法治人學校以立教源復並載夫禮
樂射飲肅明禋之昭格祀典實寓景行備屯餉之裕儲
兵防用資捍衛皇言錫贈並錄垂表章也歷官寓賢有
紀敦名實焉至若人物列傳則有名臣見侯出之英儒
林崇潛德之耀孝友以飭彝倫忠節而標正氣文學與
政事丰宜淳德偕耿介式著耆耄以明尚齒列女以揚
幽芬所關世教人心良非小補比及仙釋雜志偶寄遺
篇添續詞翰菁華潤澤合計二十一則精詳典確義例

闕轍可爲述先垂後者十之九引伸擇執者十之一君
之達吏治而長著作彬彬大雅洵當代之賢而能者茲
且晉秩司徒總理天下輿圖民物佐

國朝于悅安強固將于是卜其恢恢有餘矣豈僅曰採風
問俗云然耶顧樂得而爲之序兼以志同官之慶

歸善縣志

舊序

四

鍾

又

連國柱 廣寧舉人
邑知縣

帝王制治保邦凡禮樂刑政賞罰予奪之權必有所托以傳于後世則史是也無論柱下藏書史有專官卽十五國之風謠貢淫奢儉其牧伯守宰亦得備紀詳編以待採述蓋天下治亂常相因而致治已亂之道在國有史在郡邑有志如雲漢日星昭回于天地之間千百年已事可考鏡而知也惠爲五嶺雄邦歸善益首隸焉邑治受兩河委輸隋因其地以置郡輪運輻輳他邑莫並焉者兵師營衛則郡邑表裏藩屏郊壇廟社禱祠讀法之儀則守行而令從之守與令有分政而無分土故邑

歸善縣志

舊序

一

向無專志而統于郡紀郡卽紀邑也柱蒞茲土首徵掌故取先賢楊貞復太史乙未郡志讀之見其圖表志傳上窮星紀下察坤輿綜政理之得失寓王事之高深作而嘆曰天下治道盡在是矣

今上續緒承休十有一載同軌同文之盛暨被荒微爰

詔天下纂修郡邑志以充史館惠郡志業繕輯以呈矣復

承

憲檄敦趣邑乘謂歸首隸也紀載宜有專書寧附郡以行已乎柱惟歸善爲邑自陳隋迄今千百年矣而史書缺然世代更革則事以時起長吏數易則俗與人移孔

〔乾隆〕歸善縣志 卷首 舊序

于志二代之禮嘗嘆杞宋于無徵其敢創作乎哉既而思太史之筆削昭然縉紳之聞見可錄柱幸載筆以從固無事創也則亦仍太史之義例昔所以志郡者今以志縣而已於是因輿圖山川而別其封域因沿革建置而詳其廢興因秩官名宦而吏治之臧否以分因選舉人物而賢材之盛衰以辯聚之以都里均之以賦役衛之以兵防福之以祀典邑之養所由備也董之以學校儀之以寓賢礪之以節烈褒之以皇言邑之教所由立也權與于是而加慎于天道人事之微之爲邑事經緯于是而補鑿于風土物宜之間之爲經政感興于是而

歸善縣志

舊序

二

連

藻續于詞詠誤述之文之爲詞翰是皆治道所不遺者故并志之昔司馬子長述楚漢春秋接其後事而作史記班孟堅譔漢書則後元而前本于馬遷始元而後則叔及共之十志則大家共之矣古人著書未有無所因而作者柱志歸善壬午以前徵文則有楊太史梁郡公先進之遺編癸未以後考獻則有駱中翰庾孝廉名賢之博訪其自丙午以及乙卯則柱蒞治之年也時事輟輻戈鋌擾攘之餘或遵令甲而有興除或相事宜而施補救或兆于天行而水旱妖祥之必書或係于土風而鑒築營置之必紀則又有縉紳文學據其聞見筆之簡

編是又以治歸善者志歸善也敢徒矜誤著辭所取衷以誣後世也哉志屬筆于乙卯之春至季夏柱以

內擢趣行未遑脫稿潮州少府 劉公來攝縣事實董其

成而郡守吳興

鍾公一代著作才也數年從事爰藉弁言以貽不朽若匡其所未逮飾其所未至則更有望于後之蒞茲土者

歸善縣志

舊序

三

連

又

劉士龍 遼東隱生同知署事

昔者成周小史掌邦國之志外史掌四方之志厥後晉之乘楚之檇杭魯之春秋凡以紀事載言昭軌垂訓駁駁乎自古重之是邑之有志猶國之有史而治體風教寓焉歸善一邑負山襟海首隸循陽歷漢唐宋明以來實先賢敷治過化之名區其靈秘所鍾代有文獻余自孟夏蒞茲土甫下車亟進耆舊而問志焉邑人以纂修未竣應余瞿然曰今

天子御極之十有二年卽宣布十五國各以其郡邑紀載彙纂成書上進以備採風歸善何遲之至今而猶未逮

歸善縣志

舊序

一

耶邑人前而言曰志也者信史也吾歸之志經百餘年未有修輯殘缺泯沒次序不倫魯魚豕亥訛舛可疵且政有更張地有分隸生齒之登耗或殊則壤之均賦漸異今之異昔亦猶後之異今也前父師怨港遘公憂之命必蒐紀傳於子史考遺文於金石酌是非於輿論寧詳毋畧寧實毋誕寧朴毋誇要使可質於今可傳於後一如信史焉乃彌快毋泛然從事已也余亦俯而不對再五閱月而志成因折帙以請序於余余展而讀之其事核其文雅其矩矱遠宗乎史記其書法謹嚴乎綱目嘉哉連令尹之慎重斯志也輿圖分野上應列宿都里

山川下聯區域沿革建置則土俗民情時勢判焉以辨
方紀事經政則吏治官常燦燦焉以貞憲選舉皇言
則興賢育才勸懲昭焉以作人寓官則蘇文忠之文章
不朽陳文惠之德愛猶存鄉賢則翟夫子之學行可師
鄭菩薩之正氣未泯孝子節婦既可傳之以風世仙客
縉流亦可借之以設教他如騷人之歌風吊古名士之
微言無毀無譽自茲以往修已治人之術於是乎資後
世範俗之機於是乎在安內懷外之畧於是乎備其有
裨於治體風教者匪淺鮮矣豈非一代之信史而百世

歸善縣志

舊序

二

劉

之典型也哉嘉哉連令尹之慎重斯志也余不敢以不
敏辭因書數言以弁其首

康熙丁卯志序

終 銛 遼東監生
邑知縣

志何爲而作也古者天子有左史以紀言右史以紀事
而又令轅軒採風以攷四方風俗政教著之簡篇將以
存遠而信來後世倣其遺意郡邑各有紀載凡天時之
休咎地里之險易氣運之升降興革之張弛政事之治
忽戶口賦役之登耗贏縮人物文章之隆替盛衰莫不
徵實傳信俾後之爲治者有所取則焉然則志也者核
參鉅典研劇衆宜闢發幽微宣揚懿美使之可法可行
可勸可懲於以上溯伏羲下追班馬匪徒夸鴻藻景鍊
之文侈煙涵雨散之辭已也歲甲子余蒙

歸善縣志

舊序

一

恩來宰歸邑惻惻焉惟不克奉揚

天子之休命是思甫下車卽求邑志乃知邑附郭邑故無

志志附郡郡前令恕庵連公始奉

詔纂修成書余繙閱之提要鉤絃條分類聚國計民生洪
纖悉備每一展卷不啻目之在睫冰之在壺偶奇蒼素
之在把也真洋洋乎大觀也哉於是考古鏡今稽前準
後凡所以振育人才儲備荒旱繕修守禦矜恤刑獄及
夫養老讀法招亡墾荒種種廢墜莫不悉心經畫修舉
而復行之然自乙卯以來閱十餘載其間世道遷流入
爲更變輿地食貨增加不一兵農禮樂權變或殊清慎

仁勤之足以著循聲忠孝節義之足以樹坊表所見所聞尚木纂輯使不旁搜博採筆之於書何以闡前徽而作後起也耶矧

今天下一家海隅日出罔不同風

聖天子誕敷文教

詔天下修郡邑志上之史館以成大一統之書

憲檄敦趣續補闕畧余於是謀諸紳士諏日開局函幣敦請明經劉君奇文學庾君哭採撫蒐羅舊往事質與情余則載筆而從事詳其叅訂慎其取舍寧簡毋肆寧實毋虛兩閱月而告竣書成捧而讀之而因之有所感

歸善縣志

舊序

二

終

焉夫天下不患無治法而患無治人有闕時難避之意而後可行周官之法度不然內存怠惰廢弛之心外侈粉飾浮夸之跡卽令記載周詳瞭如指掌亦不過紙上之具文究何當民譽之持循經國因時之盛軌也哉余以涼德菲才承乏茲邑家大人刺史公庭訓諄諄以興利除弊愛民利物爲心敢不晨昏兢業殫意營謀於輿圖山川而思增修式廓之道於建置經政而思定治變俗之宜於秩官名宦則景仰高蹤而思效法於選舉人物則盱衡芳躅而思振興至若於學校而思文事於兵防而思武功於戶口而思撫綏於賦役而思寬恤於民

事而思天道人爲之必慎於祀典而思崇德報功之貴誠借千秋之石畫圖一日之鴻猷以仰答家大人教誨之意以上報

聖天子任用之恩豈敢居之或倦行之不忠徒托空言無裨實政也哉若夫才疎腹儉藻績無文則踵事增華端有賴於後之蒞茲土者

歸善縣志

舊序

三

終